

wedermaker der verdoemden **B**erliene  
my dat ick dy deser caritaten dancken  
moet **O** lieue here **J**esu maket ghesot  
dat in my toe broeken is. dat in my  
verstroeyt is dat vergaddert weder en  
maket dat sterk in myt myt die me  
dicine dinre alre suetster wondē **O** he  
re ick sueke dy in desen cruce myt rey  
nen herten als ick best mach **D**u scilste  
my ghesont maken als ick hope. maer  
my ghesont myt dynen varsche bloe  
de. dan sal ick waerhick ghesont sijn  
**D**ijn vode wonden dyn diepe gaten  
schriff lieue here in mijn herte **O**p  
dat ick alheel in dy worde gheuesticht  
en in dinre mynnen fundiert. want  
wat sieke menschen die totti coemen  
en dine wonden in hoer herte draghe  
en drucken sie suelen vandaer ghesot  
ghesont gien ouermids dat tussen  
dinre weerdigher wonden **O** lieue  
here **J**esu **ch**re en verfinade my arme